

sein will/ vnd er straffen mus/ braucht er auch einen solchen Ernst  
vnd Eiffer/ das dadurch des Valerij Maximi sententia, welcher  
gefunden wird Lib. I. de neglecta Religione, war wird / also  
lautende: Lento gradu ad vindictam sui ira diuina procedit,  
tarditate m̄q; supplicij ipsa grauitate compensat. Vnd Sy-  
rach spricht: Gott ist wol barmhertzig/ aber er ist auch zornig/ vnd  
lest sich versühnen/ auch strafft er greulich / so gros seine Barm-  
hertzigkeit ist/ so gros ist auch seine Straffe/ vnd richtet einen gli-  
chen/ wie er es verdienet.

Solches haben auch die Heiden/welche von Gott nichts ge-  
wußt/ erkennen können/ das er ein langmütiger Gott sey zum  
Zorn / vnd nicht bald straffe / sondern zeit vnd raum zur Busse  
vnd Bekerunge lasse / wie solchs der Poet Quindius sein darthut  
in diesen nachfolgenden Verslein:

Si quoties peccant homines sua fulmina mittat  
Iuppiter, exiguo tempore inermis erit.

Das ist / Wann der Gott Iuppiter sich so offft zornig stel-  
len vnd mit Donnerkeulen darein schlagen solte/ so offft die Men-  
schen wider in sundigten/ er bald Wehrloß würde/ das er keine  
Pfeile mehr zu verschießen hette. Auch hat es an Warnunge vnd  
Zeichen den Christendischen Jüden zu Jerusalem / wie Jose-  
phus meldet/ nicht gemangelt/ dann ein schrecklicher Comet in  
gestalt eines Schwerts ein ganz Jahr gegen der Stad von jeder-  
männiglichen gesehen worden/ auch in der Luft vnd Wolcken  
Wagen vnd Rosß/zu dem gerüstete Reuter vnd Knechte/welche ein-  
treffen mit einander gethan/ zuuor nemen gewesen. Solche vnd  
dergleichen viel mehr Wunderzeichen fur der erschrecklichen Zer-  
störung sich begeben vnd zugetragen haben/ Diemell aber solches  
nichts geholffen/ sondern alles in wind geschlagen/ haben sie auch  
zulezt/ als sie jr Maß voll gemacht/ Elendiglich müssen durch die  
Belagerunge des Tit vnd Vespasiani/welche zu solcher Straffe  
von Rom dahin in die 382. Meilwegs durch schiebung Gottes  
ziehen vnd komen müssen/ vmbkomen vnd vorhert werden / dann  
bey

bey